

二十一年。許山西鑄開場鑄錢。時鎮守譚春。感啓乞招集客商。開場鑄作。乃準許領錢樹四株。回鑄。隨便開場鑄作。待樣成。啓納。議定稅例。

按山西開鑄之後。自此諸鎮皆有錢場。鑄造既多。貨幣廣布。當時民用流通。所以無錢荒之患也。但以鑄作之權。一委客商。其法未爲盡善。何者。彼既獲自操其柄。則其隱奸計圖厚利。得以恣出入於其間。利孔四散。而上人不能收。殆賈山所謂使與人主共操柄。此豈國家之利。惟當使鑄造之事。一出於上。命官開場監督其役。時出官銅發鑄。計直還工。諸有私本者。許照價定稅。謹鑄造之式。嚴假雜之禁。如此則客商不能營利。而權歸公上。可以免惡薄醜濫之弊矣。

● 田土之制

陳順宗光泰十年。詔限名田。時宗室諸家。每令私奴婢於瀕海地。築堤堰障鹹水。二三年開墾成熟。居之多立私庄田土。至是立限田法。惟大王長公主田無限。庶人田無過十畝。餘者上進入官。諸有罪者。聽得以田贖。貶黜贖亦如之。

十一年。令有田者供報田畝。標類姓名於田上路。府州縣官公同檢度修簿。無供結者。取爲公田。按田疇之制。自三代以後。注紀廢壞。百姓私相兼併。一旦欲取而均之。固未易行。我越從前李陳大抵亦隨其出之在民者。而征賦之多寡之數。不能均齊。誠以其勢之有所難也。季釐以盜竊之私智。乃欲動募古法。其煩碎作爲。殆類王莽。當時限田之行。亦屬虛名。豈真能贍貧弱而抑侵奪者。又况田數之限。特行於庶人。而不行於王公。其何以寒兼併之路。而均予民之利哉。

黎太祖既定天下。議行均田。詔各府縣責勘官私田土潭洲。修造簿籍。仍敕大臣議定田數。給官軍民等。內自大臣以下。至老弱孤寡男婦以上。各有差等。又旨擇府縣社有田土多人民少而留荒者。聽本管等官與別社人無田者耕植。其本社田土不得執占留荒。違者以強占罪論。

聖宗洪德元年。定官員給田例。三年立屯田所。詔曰。屯田之置。所以養農力廣邦儲。其令各處屯田。定爲上中下三等。

十七年。定築立公私田土界碣。其法農隙時。府縣卽照如田土簿及奉給田土四至界近。拘築老大社村長。公同指引官田及世業田土築界碣。以爲一定永遠之法。

按築初均田之制。其等級不可復詳。然大略所給者。皆是官田之數。至若私田之在民者。固亦未嘗取而均之也。順天議行。其法猶爲未備。至於洪德始定勘引築碣之法。蓋所以正經界而止侵爭云。

玄宗景治元年。命京官往清乂二處。責始立庄寨。補爲社村號。又度官田洲土陂池占射田屯田等項。照補另兵本社官田人一畝。備類以聞。

裕宗永盛七年。定均公田例。舊制均給公田。六年一期。縣州官奉行。隨其社內人數多少。類歸逐等。照數均給有差。仍將所給過數簿。遞納在承司官部執照爲憑。至是參從甌貴德等斟酌事宜。再復參定條例。具啓施行。○均給年例。遵古制六年。其團圍子各社許徵收官支給。其恩祿寓祿祀事各社。各該官支給。至期某社民應給者。數籍納在戶番官。特旨奉行。秋田無過三月。夏田無過九月。以適農時。給畢。將所給過簿。納在戶番官。某社民有公田與洲土原無給例。仁彼社隨俗照等相分。以

免生事。至如土宅原已除稅，亦許社內照等相分。使人人咸得其所居。豪右者不得兼併。若某社官土原分居住，各相買賣，久已成俗者，仍許隨俗，以便於民。一公田社民，應通計社內人數若干，田數若干，多者以畝為分，少者以高尺為分，仍照職色逐等，鄉飲年齒坐次，以著所給之先後，不得擅許權該守役顛倒次位，以沮俸求。如某社內典雇田并債若干，許奉給官一切併取均分。許買田出呈文契，並毀每畝古錢二貫，其毀錢盡者，許奉給官分為二期。以五月十月為期收還賣主，以便於民。茲後係官田洲土不得買賣，違者照律論罪。一某社民或有漏外田若干，亦應併出分給，逐等免稅。如原以昭寬政，一公私閒田各社應照計社內公田若干，仍類無田少田等人若干，照數量給。其某已有田妻田足分，停給，或田少欠亦量添給。如所給逐等亦依鄉俗坐次，不許求權該守役與所給公田例同。一初受民，自十八歲或二十歲後，一從民俗，其奉行者不當執以已見為限量。其某民已至歲，未遇給期，仍照社內有年至六十千人，其分田若干，及過故喪畢千人，可還田若干，許社村長暫以此田隨其多少分給。如至歲等人務在均齊，以便役，或未足，待至給期，方與本社同受。○一內園子各社民，徵官奉行均給，其員數與日期以田數多少為限。田自六百畝以上，差四等員。許社民二十日外，三百畝以上，差三等員。限五十日內，自三百畝，差二等員。限十日。凡頓錢米應停，一遵舊例。照收每畝古錢一陌，米一鉢，均分日。其人數錢米應停，及鷄卵魚蝦諸產物，一切並禁，以省民費。○一所差人均給，其承差與日期并田數錢米及諸禁例，與奉給內園子民同例。毋得生事。給畢，只存社民謝牛酒，准古錢十貫。○一均給之制，上自官員，下達鰥寡孤獨，不具各色，咸使得所以廣仁恩。

一官員受田。舊制給田諸員已預得給賜田者停給。其未得給賜者方給。茲做舊制參酌。係官員有預贖品已奉給民祿者。亦應停給。其未奉給者依品支給。凡所以給當以時用品次行後為準。其在行後末者當受田九分。自此以上。高一等者加田半分。隨其所稱分數定級給例。行後者受田同分散官閒住。退二分以得其平也。一諸各色未有品職者。應給田自八分半以下。間或有民祿田者亦應停給。其各某等舊制今增逐闕入。以便奉行。其屬員另兵。雖有寓祿田祿亦在給許。不在停例。一項田八分半。舊制宮門承制常川書吏。御象司常川書吏。帶弓刀內史。六清監常川內史。力士司金刀力士。力士司海清力士。力士司河清力士。力士司騎射力士。力士司善射力士。今增正勾權副勾權。正司官副司官。正該隊副該隊。○一項田八分。舊制各監司常川監吏內史。鎮殿司銀勇力武士。力士司提生勇武士。錦武二衛案吏。錦衣衛勇騎士舍人。金吾衛武士錦衣俊士。一作書藝一作文學生。天和九傳宮布班。今增正隊長副隊長。出身侍內文職。無應務項各還該司該合。副該合。內監自小一輛一騎員正。以上仍○一項田七分半。舊制錦衣衛壯士常班。廐象司常班。御用尙衣二監局常班。今增內文職守舍。有料馬看解解馬看副守舍。左右案吏。侍候屬員。正隊長副隊長仍一輛一隊長。○一項田七分。舊制錦衣衛飛騎壯士。英雄舍人。金吾衛神營司吏。吏番壯士。効力四衛。神武四衛。羽林衛錦衣各司壯士。殿前司五衛。廐馬司布班。廐馬司常班。衛中城兵馬部將。崇文職儒生。在內各衙門都提吏。今增文職儒生中式監生守合副守合。一作文學生侍內書寫。無應務項書寫各營奇班船正隊長副隊長。

侍候隊長侍廚侍候仍一騎一優一雜流九品各職○一項田六分半舊制馬廐司吏班五府各衛
饒男四海兵馬郎將今增侍管象各營奇隊船長在家退三分便許不在侍候優兵內水正水兵自小監小候以上○一項田六

分舊制五車各衛馴象四衛馬閑四衛在外各衙門提吏無應務與生徒同在外各衙門吏班秀林局儒生社

長社史宣達局太官署良醞局神廚署常班御用尙衣二監各局女使今增教坊有奉侍小侯小監以下

一項田五分半舊制在外各衙衛所軍在內各局三等各司副衛軍五刑司獄所官員父在外各衙

門寔班吏官員子孫社胥生徒衛儀司各官署局廚人工部各局二等百戲所班外各監司內史監

史節婦雅樂一署侍衛局奉直章軍孝悌今增優兵饒男雜流有奉敕旨嘉旨諭旨應務○一項田五

分舊制在外各衙所軍應事局首衛各局衛出老四廚司四膳局並京殿各色在內各衙門應差

使承差皂隸官員妻妾今增舊社長廚左廚右廚一廚二把令把門守漕一兵管象○一項田四分半

舊制在內各衙軍三等各色三等道士百戲所人道章祝人鹹鹽戶諸稅戶網戶江官守把事漁戶

陵人禽戶牧馬場京人今增民項各色隨行饒夫○一項田四分舊制在外各衙門軍所三等鋪夫館

役夫壇祠等洒夫採藥庫夫地潭夫軍色男無邑優色丁同度夫軍色妻妾除賜稅人與人女丁

同今增○一項田三分半舊制不具黃丁十七歲以下老六十歲以上備貸稅各丁稅婦同今增同○一項

按永盛給田之例。大略參用黎初舊制。然其爲法亦自通融。故某社公田之無給例者。仁其相分。未常以官法而均刊之也。我國惟山南下處公田洲土最多。均給之政。但行於此處爲宜。其餘各項官田無幾。某處有者。特以供兵糧寓祿。不能分刊各項。而私田之在民者。固未嘗以此法而施之也。其給例條目之詳。今備登載庶可考其差云。

顯宗景興元年。初議均田。未行而罷。明王在潛邸。深知民事艱難。慨然慕井田法。欲均貧富。以平賦役。廷議以爲三代之後。田制墮壞。無版籍可徵。國朝歷代亦無有行之者。今天下丁田互爲升降。郡縣盜梗未帖。徵發不時。若分行勘度。徒增煩擾。貧者未必還集。富者浸生疑沮。欲行此法。須俟清平報可。

按均田之法誠難。然權量時宜。亦有可行之會。蓋方其治平無事而亟欲奪富人之田。均貧人之利。則怨譟滋起。固未易行。若當開創之始。物情一變。生理方新。因於此時。一番經理。而贍其貧弱。正其井閭。所謂悅之者衆。未始不可爲也。憶六七年前。有一當官者。要僕代草均田議。以獻于時。辭不獲已。爲之完稿。雖其說不見用。然要之復古仁民之政。當莫先於此也。附錄其議如左。

議曰。養民之政。莫先於制產。制產之法。必在於均田。蓋爲國之患在於不均。苟民產皆有經常。則百姓何患不足。古之三代。計夫授田。雖其多寡不同。要皆正其經界。均其里閭。使國中無不井之田。而天下無不田之夫。所以國給民富。治隆俗美也。古王既遠。田制盡墮。有國者率安於因循。爲民者日窮於兼併。貧富不均。奸僞滋起。治不逮古。實此之由。北河歷代田制。雖典籍闕略。不可詳考。大抵捐田於民。恬視兼併。千百餘年間。建國君民者。固未常舉王制以復行。而革斯民之積病。

者也。夫均田之法。在平世雖難卒復。而開創實易舉行。苟因彫荒甫集之餘。定之以均齊。行之以公正。照量丁口。分給田疇。此亦復古一大機會。方今國家大定伊始。宿弊未消。久苦之民。無甚富而有至貧。田疇之間。多荒漂而少開墾。為今之計。蘇其病而均其利。定其產以贍其生。正是當行之緊務也。竊做今宜詔下北城各處。頒行均田之法。特委重臣各員。分委府縣仰體德意。曉諭方民。示以有田有夫。無容隱漏。俾羣心無疑。窮氓咸樂。其簿外率數。逐令一一登載。諸漂荒未復者。差官招集。亦各計口登名。不必迫勒期限。務俾漏項。漂民樂得制產。一皆入簿。仍番覆登耗。量度肥瘠。計口授田。大約每夫五畝。耕作納租。不得私相買賣。五年再行刊給。以均地利。其巨社留置十畝。中社小社留置五畝。以為學田。許社內延師授童。以敦學業。某社人多田少。量取旁近諸餘田分給。或旁近田數不足。量移此處貧戶到別處荒閒之地。增給每夫十畝。俾為土著。某社人少田多。經刊給旁社。剩存田數。與荒田未墾者留為公田。撥耕徵稅。收納公庫。務得寸土盡闢。尺民無遺。窮氓之積。獲蘇兼併之弊端。頓息。民有常產。既得以養其生。然後農桑咸遂。閭井相安。而立教正俗之事。皆可舉而措之矣。以上田制

裕宗保泰五年。定發給沿河洲土例。命縣官勘度三年一期。依造簿例。以下洲土制

純宗龍德二年。罷河道官。初置河道官。命勘洲土生落。增減租稅。至是以河洲生落。年月尙遲。使者歲往催促。更滋民擾。遂議停省。所在洲土。許縣官查勘具實上之。

顯宗景興二十年。議定勘度洲土各條。舊制以洲土六年為期。擇文武重臣分道勘度。每道三員。其施行條例。凡某社有始孕者。聽照白沙與成土。分為逐等。某社被頽落者。聽取所近別社洲土撥給。

遞年備啓轉納。照補稅例并除。迨永佑以後。舊典墮弛。數十年間。惟兩次差勘。或因方民苦鳴。隨復減除。或由外間沸騰。事爲中輟。河道久委淪廢。至是府僚官啓陳。令委所在縣官勘寔。仍酌定事宜。各條付下施行。

一條四鎮沿河各縣社民洲土。應奉傳二司官轉送沿河各縣縣官。茲年於水涸期。凡屬內沿河各社。見有浮沙始孕。白沙與成土若干。某社已經補例成稅而復頽落。較與所送屬官例簿寔減若干。並許親行勘度。逐一類開畝高尺寸。限十二月上旬。修寫啓簿。並稟簿各二本。納在二司官。二司官轉納在政堂。限十二月中旬。以裡。若某衙門緩者。罰有差。

一條奉傳二司官各於本轄縣官勘度期。嚴加戒飾。其催送供頓等錢。並應照隨社額巨中小洲數多少。商定勘度日限。量計有差。仍密委親信役目。潛往探聽。某縣奉法勤事。某縣藉端作弊。並要探聽得寔。係至轉納縣簿期。各照前項功過。備啓糾舉。以憑審核。

一條係二司官轉納縣簿。即請旨付下五府。自署府權府官府僚。自參從陪從。及添差隨差各員。照所類浮孕頽落之處。多者公同覆議。少者分蹟覆度。某縣所類得寔。別無冗弊者。或當獎賞。或當陞授。並許議洞達。某縣妄類不寔。致覆度多勝數者。或當罷職。或當重論。並許計論。遞請其外勝數少者。以罰論。二司官糾率失當者。亦以罰論。並照收所論罰錢轉納。其各縣屬吏預有隨從勘度者。亦照各縣功過。陞充退充。以勵官方清士習。

一條某社地分洲土。已經勘度。某有頽落者。實數立刻改正。以送屬官例簿。除免稅例。即除數倍多有妨生業者。量免庸調。年限以蘇民瘼。不須撥給別社洲土。以止爭端。向上除免條例。已經奉旨。應給許伊社憑跡。付他執照。以防舛謬。如有某社洲土。或被頽落。失其地分者。別議候旨奉行。

一條係諸勘度成土之處。應隨地力上下。量補稅例。付地分民。供認耕植。遞年依例納稅。不得捏詞牽鳴。違者重罰。某官爲他陳情。及付徵議。視圖翻改稅例者。並以徇情枉法論罪。

一條這項勘補洲土。應置爲左右河道二跡。請旨差官徵收別貯。總計一歲所入若干。每歲季徵收官備啓類開所收稅錢實數。納在公店。留爲跡。卽有某社拖欠。亦聽著入啓簿。并別寫單張。詳開所欠緣由。以憑查議。其內外諸員衙不得干請給賜。屬官官卽有奉旨頒賜。乞付出公店。送戶番官轉送屬官奉行。庶無翻換乾沒之弊。向上準定諸條例。以今年爲始。嗣後仍以六年爲一期。照內條例奉行。

一條二司官轉送屬內各縣。係勘度河道洲土。應體井田法。四角築立界碣。以每一百畝爲一區。其度用龍藤或五十丈六十丈仍以爲準。俾初勘覆勘等官一體較度。以爲定法。庶無差異。間或某社引地分洲土。內有某區干畝。已奉頒給某官。許他供招實數并處所。仍做標立碣。亦依此較度。仍一體類開以憑覆審。

按洲土之利。沿河諸民獲便頗多。勘度分勘之政。誠不可不詳也。但河洲之勢。生落靡常。始孕之與頽毀。彼此疆界之間。往往起小民之爭訟。苟非詳於查勘。精於審核。則沙洲之利。只適爲奸民猾吏之資。此河道分勘之官。尤當重其所任也。保泰以前。其法最爲詳審。迄龍德永佑以後。舊制隳弛。至於景興中間。始復斟酌事宜。參定典例。蓋其事雖委之縣官。而董之以二司。詳之於五府。稽核功過。凜有成式。奸吏頑民。不得以肆其巧。而河道之利。始一歸之於公。此其法之爲詳備而可行也。今仍悉錄如右。以備考云。